



Conradus de monte Puellarum dictus, prima liberalium artium fundamenta Erdfordiæ hausit. Postea amore literarum Lutetiã profectus est, ubi philosophiam & sacras literas per octo annos publicè magna cum laude prælegit. Erat enim ingenio subtilis, & eloquio clarus. hinc factum ut in uirum omnis generis doctrinæ doctissimum euaserit. Postquam autem Doctoralia insignia consecutus esset, in patriam rediit, atque Ratisbonensis Ecclesiæ Canonicus electus fuit. Scripsit ibi ad Lupoldum episcopum Bambergensem nobile opus, quod Oeconomiam inscripsit, libris tribus distinctum. præterea Monastica & Politica ædidiit, cum multis alijs

quæstionibus. Claruit anno Christi 1390. sub Vuentzelao Imperatore, & Urbano 6 pontifice. Trit.